

**Ugovorne strane:**

- 1. Ministarstvo unutrašnjih poslova Kantona Sarajevo, ul. La Benevolencija br. 16, kojeg zastupa mr. Ismir Jusko, ministar (u daljem tekstu: Naručilac) i**
- 2. „KM TRADE“ d.o.o. Visoko ul. Čaršijska bb, ID broj: 4218204070008, kojeg zastupa Nihad Mašić, generalni direktor (u daljem tekstu: Dobavljač)**

**zaključili su:**

**U G O V O R**

**za nabavku zaštitne odjeće u cilju sprečavanja širenja virusa COVID 19**

**Član 1.**

Predmet ovog Ugovora je nabavka 20 (dvadeset) komada višekratnih zaštitnih odijela za potrebe Ministarstva unutrašnjih poslova Kantona Sarajevo, nakon provednog direktnog postupka na osnovu Odluke broj 01-11-4-2408 od 07.05.2020. godine i Ponude broj 08/05/2020-1 od 08.05.2020. godine, koja je sastavni dio ovog Ugovora.

**Član 2.**

Ukupna cijena nabavke roba iz člana 1. ovog Ugovora iznosi bez PDV-a 1.800,00 KM, odnosno sa PDV-om 2.106,00 KM (dvijehiljadestotinušest i 00/100 KM).

Naručilac se obavezuje da će izvršiti plaćanje za isporučenu robu na osnovu potpisanog ugovora u roku od 30 (trideset) dana od dana dostavljanja ovjerene fakture od strane Naručioca.

**Član 3.**

Rok za isporuku robe je 7 (sedam) dana od dana potpisivanja ovog Ugovora.

**Član 4.**

Dobavljač se obavezuje da će, prije primopredaje ovlaštenom licu Naručioca omogućiti pregled isporučene opreme/**robe** po vrsti, količini i vizuelnom izgledu.

U slučaju da isporučena roba nije u skladu sa prihvaćenim uslovima iz ponude, ista će biti reklamirana od strane ovlaštene osobe Naručioca o čemu će biti sačinjen zapisnik.

Ukoliko Dobavljač u roku koji ne može biti duži od 10 (deset) dana ne otkloni nedostatke koji su evidentirani/reklamirani od strane ovlaštene osobe Naručioca, Naručiocu pripada pravo definisano Zakonom o obligacionim odnosima.

**Član 5.**

Garantni rok za kvalitet isporučene robe iz člana 1. ovog Ugovora iznosi 6 (šest) mjeseci u uslovima ispravnog korištenja, isključujući mehanička i hemijska oštećenja.

Unutar garantnog roka Dobavljač se obavezuje da će o svom trošku, na zahtjev Naručioca, otkloniti sve nedostatke na isporučenoj robi, a u skladu sa garantnim uslovima.

### Član 6.

Ukoliko, u naknadno ostavljenom primjerenom roku od strane Naručioca, Dobavljač ne postupi po eventualnim primjedbama na kvalitet i količinu isporučene robe ili u slučaju neprofesionalnog ponašanja, Naručilac ima pravo na raskid ovog Ugovora i pravo za naknadu štete u skladu sa Zakonom o obligacionim odnosima u BiH.

### Član 7.

Ovaj Ugovor je sačinjen u 4 (četiri) istovjetnih primjeraka od kojih svaka ugovorna strana zadržava po 2 (dva).

### Član 8.

U slučaju spora između ugovornih strana nadležan je Općinski sud u Sarajevu.

### Član 9.

Ovaj Ugovor stupa na snagu danom potpisa ugovornih strana.

ZA DOBAVLJAČA  
"KM TRADE" d.o.o.



generalni direktor, Nihad Mašić



ZA NARUČIOCA  
MINISTARSTVO UNUTRAŠNJIH POSLOVA  
KANTONA SARAJEVO

ministar, mr. Ismir Juško

Broj: \_\_\_\_\_

Datum: 15.05.2020

Broj: 01-11-4-2408-2

Datum: 14.05.2020. g.